

EXPOGAST

EXPOGAST.LU



Culinary
World Cup
2026

21 au 25
novembre
2026
LUXEXPO THE BOX

EXPOGAST A RAK PORCELAIN CULINARY WORLD CUP 2026: LËTZEBUERG GËTT NEES D'WELTHAAPTSTAD VUN DER GASTRONOMIE

Vum 21. bis de 25. November 2026 fënnt zu Lëtzebuerg ee vun de gréisste gastronomeschen Eeventer vun der Welt statt. Organiséiert vu Luxexpo The Box a Vatel Luxembourg, fënnt 2026 déi elo scho 15. Editioun vun der EXPOGAST an dem RAK Porcelain Culinary World Cup statt, den Héichpunkt vun der internationaler Gastronomie-Zeen. Fënnef Deeg laang bréngt dëst Event déi bescht Talenter, de Knowhow an d'Innovationen aus dem Secteur zesummen, a bestätegt esou säi Status als Plattform vun der Exzellenz an Europa a wäit doriwwer eraus.

Eng international Referenz am Häerz vun Europa

All véier Joer bréngen d'EXPOGAST an de Culinary World Cup d'Beruffer aus der Gastronomie an der Hospitalitéit zu Lëtzebuerg zesummen, fir d'Kachkonscht an all hire Facetten ze feiern. Als professionell Foire, öffentlechen Event an Zeen fir Kompetitiounen vu Weltklass ass d'EXPOGAST en eenzegaartegt Ereliefnis un der Schnëttstell vu Kulturen, Tendenzen a Knowhow. Iwwer 200 Aussteller wäerten hir Produiten an Innovationen presentéieren a maachen d'EXPOGAST zur Referenz an der Groussregioun an zu enger strategescher Plattform fir international Fachleit, woubäi d'Ausstellungsfläche vun der Foire aktuell vermaart ginn.

Organisateuren:



Haaptsponsor:



Den RAK Porcelain Culinary World Cup, eng Vitrinn vun der weltwäiter Exzellenz

Am Mëttelpunkt vun der Foire steet eng vun de gréisste kulinarische Meeschterschafte vun der Welt: Den RAK Porcelain Culinary World Cup 2026 verkierpert den Usproch an déi international Ausstrahlungskraaft vun der EXPOGAST. Ënnerstëtzt vun hirem neien Haaptsponsor RAK Porcelain bréngt dës Kompetitioun iwwer 85 Ekippen aus 74 Länner zesummen a mobiliséiert insgesamt 2.800 Käch, déi a verschidden Disziplinen ëm de kulinarische Weltmeeschtertittel kämpfen.

De Planning vun de Kompetitiounen steet elo no der Auslosung vun den Ekippen fest. All Dag wäerten 11 Kichen déi National- a Jugendnationalekippen empfanke, während 3 Kichen dem *Gastronomic Catering* iwwer Mëtteg gewidmet sinn.

Dësen Dispositif erméiglecht et de Visiteuren, d'Performance vun den talentiertste Käch vun all de fënnef Kontinenten hautno ze suivéieren, hir Technik a Kreativitéit duerch Vitrinnen ze beobachten a kulinarische Exzellenz live ze erliewen.

Déi deelhuelende Ekippen bidden den Talenter vum jeweilegen Land eng grouss Visibilitéit an dem Publikum eng eemoleg Geleeënheet fir se ze ënnerstëtzen. Lëtzebuerg gëtt vun enger Ekipp an der Kategorie *Gastronomic Catering* vertrueden, déi houfreg d'Nationalfaarwen droe wäert.

En immersivt an zougängelech gastronomescht Erleefnis

D'EXPOGAST an de RAK Porcelain Culinary World Cup erlaben en Andauchen an d'Häerz vun der Haute Gastronomie. De *Restaurant des Nations*, eng eenzegaarteg Institutioun, empfanke all Owend iwwer 750 Gäscht. D'Visiteuren kënnen d'Kreatiounen vun den deelhuelende Ekippen a rarer Proximitéit mat de Käch an hirer Welt schmaachen. Esou bidden d'Kiche während dem gesamten Event eng lieweg Show, bei där Präzisioun, Kreativitéit an technescht Kënn virun den Ae vum Publikum gewise ginn.

En Iddielabo fir d'Zukunft vum Secteur

Niewend Kompetitioun a Foire huet sech d'EXPOGAST als e Raum fir Reflexioun an Innovatioun ronderëm déi grouss Transformatiounen am Secteur etabléiert.

D'Haapttheeme sinn ënner anerem:

- d'Erfahrung vun de Clienten an d'Geschäftsmodeller nei gestalten;
- d'Transitioun zu enger méi nohalteger Gastronomie begleeten;
- dat kulinarische lerechen an de Knowhow valoriséieren;
- d'Attraktivitéit vun de Beruffer an d'Entwécklung vun de Kompetenze stäerken;
- d'Ernährung vun der Zukunft duerch nei Tendenzen ervirhiewen.

D'EXPOGAST gëtt sech esou als e richtege Forum fir den Austausch un der Schnëttstell vun der Gastronomie, der Hotellerie an dem Tourismus.

Organisateuren:



Haaptsponsor:



Eng aussergewöhnlech kollektiv Mobiliséierung

De Succès vun der EXPOGAST an dem RAK Porcelain Culinary World Cup berout op enger bemierkenswäerter kollektiver Mobiliséierung. Den Event bréngt Dausende vun Acteuren (Käch, Equippen, international Juryen, Partner, Benevollen an Institutiounen) ronderëm e gemeinsaamt Zil zesummen – an dat Editioun fir Editioun zanter 1972.

Als historiesche Partner a Grënnungsmember wäert sech La Provençale an enger ganzer Hal installéieren, déi als Erlefnis- an Entdeckungsraum konzipéiert ass a Produiten, Innovatiounen a Knowhow an de Vierdergrond setzt.

D’Federatioun HORESCA an d’Chambre de Commerce sinn och nees derbäi, an droen zur Valorisatioun vun den Acteuren, den Talenter an de Beruffer vum lëtzebuergeschen HoReCa-Secteur an den domat verbonnene Formatioune bäi.

D’EHTL (École d’Hôtellerie et de Tourisme du Luxembourg) wäert hir Infrastrukturen, hiert Personal an hir 550 Schülerinnen a Schüler mobiliséieren, déi sech benevole un der Organisatioun an dem Oflaf vum Event bedeelegen. Och d’Schülerinnen an d’Schüler vum Bouneweger Lycée (BLL) wäerten un dëser Dynamik deelhuefen an esou déi nächst Generatioun vum Secteur representéieren.

E puer Zuele veranschaulichen d’Ausmooss vum Event: iwwer 20.000 preparéiert Platen, 150 international Journalisten an Dausende vu Visiteure während deene fënnef Deeg.

En Éiergäiz, dee vum ganze Secteur gedroe gëtt

„D’EXPOGAST verkierpert eng staark kollektiv Dynamik. Den Event hieft Talenter ervir, férdert den Austausch an hëlleft d’Visibilitéit vun engem ganze Secteur wäit iwwer eis Grenzen eraus ze stäerken. Bei Luxexpo The Box si mir houvreg, de Kader ze bidden, an deem sech dësen Éiergäiz voll a ganz ausdrécke kann“, betount de Pascal Bertaux, Chief Sales Officer vu Luxexpo The Box.

„Dës fofzängt Editioun gëtt e richtegt Fest vun der Gastronomie. Se wäert Professioneller zesummebréngen, jonk Talenter inspiréieren an aktiv zur Dynamik vum Secteur bäidroen“, füügt den Alain Hostert, Vizepräsident vu Vatel Luxembourg, bäi.

Organisateuren:



Haaptsponsor:



Iwwer Vatel Luxembourg

Vatel Luxembourg a.s.b.l. bréngt Fachleit a Begeeschterter aus der Kachkonscht am Grand-Duché zesummen. D'Associatioun setzt sech fir d'Förderung vun der gastronomescher Exzellenz a fir d'Encouragéiere vun de jonken Talenter an, fir sech an de Beruffer vun der Hotellerie an der Restauratioun ze engagéieren. Vatel Luxembourg organiséiert virun allem d'Kachweltmeeschterschaft (Culinary World Cup) am Kader vun der EXPOGAST an ënnerstëtzt weltwäit d'National- an d'Jugendkippen. D'Associatioun ass Member vu Worldchefs.

Iwwer RAK Porcelain

RAK Porcelain ass en Hiersteller vu professionellem Geschier fir Käch an Acteuren aus der Hotellerie an deckt dobäi d'Haute Gastronomie, déi normal Gastronomie, de Catering, d'Gesondheetsetablissementer an d'kollektiv Restauratioun of. Mat sengem industrielle Knowhow a fir reell Servicebedéngunge konzipéiert, bitt RAK Kollektiounen, déi Zouverlässegkeet, Funktionalitéit an Design verbannen. Dat fir de Rhythmus an den Drock vum professionelle Service konzipéiert RAK-Geschier begleet Käch, andeems et Geschier proposéiert, dat dorop ausgeluecht ass, Plate mat Kloeerheet, Equiliber a Charakter ze presentéieren.

Iwwer Luxexpo The Box

Luxexpo The Box ass ee vun de wichtegsten Acteure fir Eventer, Foiren a Kongresser zu Lëtzebuerg. Am Häerz vun der Groussregioun geleeën, bilt Luxexpo The Box eng Plattform fir Austausch an Innovatioun, an dréit aktiv zur Ausstralung vu Lëtzebuerg national an international bäi. Hir Missioun ass et, nätzlech, inspiréierend a verantwortungsvoll Erfarungen ze schafen, déi e positiven Impakt op d'Gesellschaft, d'Wirtschaft an d'Ëmwelt hunn.

Organisateuren:



Haaptsponsor:

